

Viking International Phototours llc
7171 Nolensville Road
Nolensville, 37135
United States

Garðabær, 4. júní 2025
202505-0086/I.M.B.
10.02.01

Umsókn um leyfi til notkunar dróna í Landmannalaugum og í Vatnajökulspjóðgarði

Náttúruverndarstofnun hefur móttengið umsókn Viking International Phototours llc, dagsett 16. maí 2025, um leyfi til notkunar dróna innan Friðlands að Fjallabaki og í Vatnajökulspjóðgarði.

Friðland að Fjallabaki er friðlýst sbr. [auglýsing nr. 354/1979](#). Mannvirkjagerð, efnistaka og annað jarðrask innan friðlandsins er óheimilt nema með leyfi Náttúruverndarstofnunar. Óheimilt er að skemma gróður, trufla dýralíf að óþörfu og hrófla við bergmyndunum. Samkvæmt [stjórnunar- og verndaráætlun](#) svæðisins er óheimilt að fljúga fjarstýrðum loftförum (dróna) innan friðlandsins á tímabilinu 15. júní – 15. september nema að fengnu leyfi Náttúruverndarstofnunar.

Vatnajökulspjóðgarður er friðlýstur sbr. [lög nr. 60/2007](#).

Samkvæmt 14. gr. laganna er óheimilt að valda spjöllum eða raski á lífríki, jarðmyndunum, landslagi og menningarminjum innan Vatnajökulspjóðgarðs.

Samkvæmt 15. gr. b. laga um þjóðgarðinn skal afla leyfis þjóðgarðsvarðar vegna skipulagðra viðburða og verkefna sem kalla á aðstöðu, mannafla eða meðferð tækja í þjóðgarðinum, svo sem til kvikmyndunar, listviðburða, samkomuhalds og rannsókna. Þjóðgarðsverði er heimilt að setja þau skilyrði fyrir leyfisveitingu sem nauðsynleg eru. Samkvæmt 38. gr. reglugerðar nr. [300/2020 um Vatnajökulspjóðgarð](#) skal afla leyfis þjóðgarðsvarðar til notkunar fjarstýrðra loftfara innan Vatnajökulspjóðgarðs.

Jökulsárlón – Vegna fuglaverndar er drónaflug almennt ekki heimilað frá 15. apríl til 15. júlí. Vegna eðlis verkefnisins er drónaflugið þó leyft á þann hátt sem verkefnislýsingin segir, en þó er einungis heimilt að fljúga dróna snemma morguns eða að kvöldi, n.t.t. fyrir kl. 09:00 eða eftir kl. 18:00.

Lýsing verkefnis:

Sótt er um leyfi fyrir notkun dróna við Landmannalaugar innan Friðlands að Fjallabaki, við Svínafellsjökul, Fjallsárlón og Jökulsárlón vestra. Tveir starfsmenn koma að verkefninu sem mun

fara fram dagana 27. júní til 5. júlí 2025. Verkefnið mun fara fram í kringum sólarupprás og sólsetur í 1-2 klukkustundir í senn.

Áhrifamat:

Náttúruverndarstofnun metur ólíklegt að verkefnið hafi í för með sér neikvæð áhrif á verndargildi svæðanna og dragi úr áhrifum á upplifun gesta ef skilyrðum leyfisins er fylgt.

Niðurstaða:

Náttúruverndarstofnun veitir Viking International Phototours llc fyrir sitt leyti leyfi fyrir ofangreindu verkefni að uppfylltum eftirfarandi skilyrðum. Leyfið nær ekki til þess svæðis í Landmannalaugum sem afmarkað er á meðfylgjandi korti:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- **Tilkynna skal til starfsmanns Náttúruverndarstofnunar á svæðinu hvenær verkefnið hefst og þegar því lýkur með að minnsta kosti sólarhrings fyrirvara.** Vinsamlegast hafið samband við landverði á Jökulsárlóni, s. +354 842 4355 til að láta þá vita hvenær þið ætlið að koma.
- Náttúruverndarstofnun skal tilkynnt um öll frávik við áður útgefna verkefnalýsingu og eins ef breyting verður á tímasetningu verkefnis eins fljótt og auðið er.
- Einungis skal gengið eftir merktum göngustígum og óheimilt er að fara inn á lokuð svæði.
- Virða skal þær umgengnisreglur sem gilda um svæðin.
- Ef upp koma álitamál um framkvæmd verkefnisins skal hafa samband við Náttúruverndarstofnun í síma 556-6800 eða landverðir á Jökulsárlón í síma +354 842 4355.
- Óheimilt er að trufla dýralíf.
- Allur akstur utan vega er óheimill.
- Þeir sem koma að fluginu skulu ganga snyrtilega um svæðið og forðist allt rask og þess gætt að allur úrgangur verði fjarlægður.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Náttúruverndarstofnunar hafi fengist fyrir drónafluginu innan friðlýstu svæðanna.
- Stjórnandi drónans skal sýna öðrum gestum svæðisins tillitssemi og tryggja að flugið valdi eins litlu ónæði og hægt er. Færri gestir heimsækja svæðið snemma morguns og síðdegis.
- Aldrei skal fljúga ómönnuðu loftfari í nágrenni og yfir fólki og forðast skal að trufla friðsæld svæðisins, upplifun gesta og öryggi þeirra eins og hægt er.
- Aldrei skal fljúga ómönnuðu loftfari nálægt dýrum þ.m.t. fuglum, hvorki nálægt hreiðrum né á varptíma eða á þeim tíma sem telst viðkvæmur fyrir dýr og fugla.

- Flugtíma skal haldið í lágmarki og það skal fara fram utan þess tíma sem flestir gestir eru á svæðinu.
- Ef drónaflugið hefur truflandi áhrif á fugla- og/eða dýralífið skal því hætt samstundis.
- Stjórnandi/eigandi hins ómannaðra loftfars ber ábyrgð á loftfarinu á svæðinu, að það skaði ekki fólk, dýralíf eða náttúruna og það skilji ekki eftir sig varanleg ummerki á neinn hátt. Ef loftfarið brotlendir eða bilar skal ábyrgðarmaður þess sjá til þess að allir hlutar þess verði fjarlægðir.
- Ef fálkar eða ernir eru á flugi á svæðinu er óheimilt að setja drónann á loft.
- Svínafellsjökull – Taka skal fram að nánast allt landið í kringum Svínafellsjökul er í eigu einkaaðila. Umsækjandi gæti þurft að fá leyfi frá landeigendum.
- Fjallsárlón – athugið að meirihluti svæðisins vestan við Lónið er utan marka þjóðgarðsins. Umsækjandi gæti þurft að fá leyfi frá landeigendum.

Ef leyfishafi veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Náttúruverndarstofnun t.d. lagt fyrir leyfishafa að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Náttúruverndarstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Náttúruverndarstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 1360/2024

Að öðru leyti skal haga flugi ómannaðra loftfari í samræmi við reglugerð nr. 1360/2024, um starfrækslu fjarstýrðra loftfara.

Náttúruverndarstofnun bendir á að allir rekstraraðilar dróna verða að skrá drónana hjá Samgöngustofu á vefsíðunni flydrone.is.

Sé skilyrðum leyfis ekki fullnægt getur Náttúruverndarstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Náttúruverndarstofnun minnir á að skv. 6. gr. laga nr. 60/2013 um náttúruvernd er öllum skylt að ganga vel um náttúru landsins og sýna ýtrustu varúð þannig að henni verði ekki spillt. Við framkvæmdir, starfsemi, rekstur og önnur umsvif sem áhrif hafa á náttúruna skal gera allt sem með sanngirni má ætlast til svo komið verði í veg fyrir náttúruspjöll.

Leyfisgjald:

Náttúruverndarstofnun innheimtir gjöld vegna leyfisveitinga og samninga skv. 2. mgr. 21. gr. laga um Vatnajökulspjóðgarð 60/2007. Gjöldin eru innheimt samkvæmt reglugerð um gestagjöld innan Vatnajökulspjóðgarðs fyrir veitta þjónustu og aðgang að svæðinu nr. 324/2025. Gjald fyrir útgáfu leyfa er 50.000 kr. sbr. gjaldskrá þjóðgarðsins.

Virðingarfyllst

Charlotte Brzeski

aðstoðarþjóðgarðsvörður

Ingibjörg Marta Bjarnadóttir

sérfræðingur